


金笥玄玄一卷

明 周履靖 校

夷門廣牘





金簡玄玄目錄

九蟲總目

老君去諸蟲方

初神去本丸又名制蟲丸

造雲芝英法

蘇仙內傳去三尸九蟲方

太清八瓊丹方

太上三尸鍊水靈砂秘訣

伏蟲圖

回蟲圖

寸白蟲圖

肉蟲圖

肺蟲圖

胃蟲圖

兩蟲圖

赤蟲圖

蜚蟲圖

伊羊蟲圖

傳胎知命蟲圖

附傳尸蟲形

第一代蟲圖

第二代蟲圖

第三代蟲圖

第四代蟲圖

第五代蟲圖

第六代蟲圖

目錄畢

金簡玄玄

明嘉禾梅嶺道人周履靖校

金陵荆山書林梓行

九蟲總目

一曰伏蟲長四寸二曰回蟲長一寸三曰白蟲長一寸四曰肉蟲如爛李五曰肺蟲如蠶蟻六曰胃蟲若蝦蟇七曰兩蟲如芥瓣八曰赤蟲如生蟲九曰蜚蟲色黑身外有微蟲千萬細如菜干此羣蟲之主今皮膚癢痒為人大風瘡疥惡瘡癬癩痔漏陰蛆濕痒能食人牙齒神落無故血出惡是衝人皆此蟲之所為也

老君去諸蟲方

貢衆五分殺伏蟲 白雀蘆錢二分殺尤蟲

蜀漆三分殺白蟲 蕪荑五分殺肉蟲

雷丸五分殺赤蟲 僵蚕四分殺兩蟲

厚朴五分殺肺蟲 狼牙子四分殺胃蟲

石蠶五分殺蜚蟲

右九味妙令香熟為細末煉蜜為丸如桐子大

以輕粉漿水服五九日三服加至十九三十日

見効六十日百病愈衆蟲盡服丹須齋戒至心

餌之無不驗矣

初神去本丸又名制蟲丸

大附子五錢 八角者童便製熟

青木香 大黃 詹木糖膠 桂心 丹砂

雲芝英 萊菔南行根皮五月五日午時向

東夜用已上八味各五錢 麻子仁七合

地黃六錢 蒼朮七錢 石菖蒲一兩

金簡玄玄

右十三味各搗末三千杵煉蜜爲丸又搗八千杵共搗五萬杵爲丸如小豆大磁器貯不泄氣每服七九平且東向酒下此藥益補除千灾固魂魄填液血死諸蟲枯三尸亦可常服殺蟲既減使食穀而無病過飽而無傷此至真之訣也

造雲芝英法

雲母粉五兩 雄黃極細末四兩

右二味合着銅器中微下火令藥色小變畢內竹筒中松脂急塞其口慎勿令泄氣懸於飯甑下蒸熟一碩米飯畢撥視令三物相合如凝脂更以松脂重和之都令和藥用十兩松脂也屋上懸二十四日訖搗一萬杵於是雲芝英成也先齊三日合之雲芝英成後更齊七日乃令制九蟲齋者勿食五辛五肉忌婦人雞犬見之當別室修合若諸齋不精及犯禁忌服藥無益及令人發火瘡而身者以表合藥不精齋中犯禁忌之驗也又藥物當用上精者及每事取妙善而已合藥當取月旦及三日七日十一日曉香設神林席於東面其日司命太乙君必監省之也合對席東向也夫造大藥不用天陰及風雨日秘之秘之耳昔脩羊公懷丘子東方朔崔文子商丘子俱服此藥以辟穀皆得仙也

蘇仙內傳去三尸九蟲方

蕪荑五錢 枸杞根皮二錢 乳漆四錢熬

過烟出

右三味爲細末辰日先喫飲食以三指捻藥并花水和服五日蟲自下初時令人惆悵悲思是

蟲去之驗矣

太清八瓊丹方

丹砂 雄黃 空青 瑠璃 雲母 戎菰

硝石 雄黃


右件准飛鍊諸丹研熟修理布置一依四神丹法並在飛伏諸石經中矣

太上三尸鍊水銀靈砂秘訣

朱汞一觔 太陽一兩 旭黃三兩

右都楊火炒一伏時候紫色以水火鼎飛七度然後大火煅之出火毒了大麥麴丸如桐子大每兩入輕粉六銖丸之空心服七粒忌羊肉菜真入云人服安魂魄固元精補血液駐顏色祛百病壯筋骨並効

伏



蟲

伏蟲色青長四寸有髭牙嚼人精血令人無力喘乏時有惡心五藏痛悶走作上下攪刺胃腸好食肉味生冷蕩散人真元多陰汗便溺餘瀝背逆腰痛使人氣虛軟弱精滑脫失致疾而死早宜服前藥

回



蟲

回蟲又曰蛇蟲色黑一雌一雄心上心下食人血令人心痛氣急肢節煩重小便難澀赤白不定面無顏色放癡慵懶口吐清水其蟲長一尺

飲心血急服前藥殺之不爾穿刺人心脾楚痛難忍而斃及耗傷人正氣令人卒死是此蟲也



寸


寸白蟲色白長一寸子孫相生或四五寸令人

好喫生米生茶生蠶生菓熟肉宜泄臟腑瘦薄人形嘔痰多涕面黃無力咬腹攪刺漸成氣塊痛便難忍痢疾脫肛若殮難能長此蟲無限穿人藏腑成窟穴氣促而死宜服前藥殺滅也



肉


肉蟲色黑如爛李食人血令人正氣泄瀉淋漏餘瀝舉動艱弱筋骨無力皮毛癢痒肌肉漸漸乾黑居上腹中令人好色伐人癆病暴肉血之味枯陽靈之精耗盡得病而死急宜服前九絕滅而免形骸消瘦也



肺

肺蟲色赤狀如蠶老者色蒼或如紅蟻飲食人精氣堅守肺口今人多痰咳嗽變成癆疾腸腹急夜卧不安嚙鳴閉五音面無光皮毛枯髭髮脫喘息無力咯血耳張肩臂骨出瘦惡思睡六癆泄痢膿血變成五痔傳尸癆病血軋頰赤骨

蒸虛汗涕唾腥鹹急服前丹不然肺脈氣乏而天也



胃蟲如蟻接人飲食令人易飢好血肉滋味之物生冷甜香之味虛人藏腑骨體瘦薄唇焦而口生瘡鼻塞而皮毛癢痒四肢拘急背膊煩勞漸加惡心多生痰涕飲酒嘔逆餐氣結心胃走衝兩脇忽攻外腎氣盡而殭若服前丹蟲化延年也




兩蟲色赤青相雜令人六識昏迷少語多睡夢遊他邑登山峻嶺連綿墜落渡水乘船忽遭沉溺柳樹共天桃歡語笑花衢與陰穢相交世人謂魔也此是陰氣蕩動陽氣全輪乾涸牽情靈根新伐脫失精氣服此丹即得殺蟲益壽



赤蟲色赤令人無氣虛憊腰重眼昏兩耳鳴聾陰痒盜汗精滑冷脫腎痛背悶骨酸痰飲食無味腸胃虛吼精隨水轉化入小便氣濁血滯結成瘰癧癰疽致天先服鎮心安魂補虛藥回閉二門使榮衛交通蟲自消化形骸不枯矣

蟻



蟻蟲四蟲微紫周市細蟲並黑微蟲周市無數細如芥子也此羣蟲之主為人皮膚疥癬疥癬頭上白屑甲虱并陰疽濕痒痒癩鼠疥白癩等風無所不作蝕人牙齒神落無故出血臭氣衝人及腳下窩旋頑痺大風癩瘡遍身膿血尸是眉毛墜落肉色漸加青黑通相易人父子絕骨肉之親夫妻棄義合之體故聖賢留妙訣至藥先沐浴齋戒然後服前藥殺三尸蟲而免害子孫也保其形體安康也

羊伊



西蜀青城山道士趙希夷道業精微登山歷險時彭州刺史庾河郎中迎在州中師事之後經數年每至庚申日依經守持服餌符藥從午至子晝夜不息亦感三尸九蟲下遂命工人圖其形質將傳保生之人余友陳靈章本東平人元和中和間於西蜀修道至長慶初仲夏月於新橋道友李玄會家絕糧一百餘日攻氣術服陽精水銀靈藥每日服水三盞至九十七日日與一盞覺腹中微痛須臾之間其痛轉甚似欲遊退李公云九十餘日不食必無滓穢應有異事今

於盆子中退良久間下一團脂膜轉動不住以水洗之膜透乃見有蟲兩枚鬚爪俱備色黑每箇有脚六隻鬚長五分丹眼足頭如朱點似柳樹上蟲俗呼伊羊遂取手奉之如石鼠象異之嗟乎五藏有如是之蟲人豈得長壽陳君服退下此蟲畢顏如童稚耳目聰明後入青城山不復出乃編入策并圖其形將警來者

命蟲圖



此傳胎知命蟲共飛尸同類抱穀氣流精與人俱生能令人無正性嫉妬善道與惡為侶怕懼陽靈每發嗔怒要人同歸鬼趣日夜凶惡慳貪憎愛人我六情思愛好色牽染不淨透漏元精作人病本消耗精神勞役具性使人鉢鉢急急苟且波波竟命盡方為休了此蟲好食肉茶及炙煇令人藏腑宜泄耳目昏沉口鼻氣臭淋漓滴瀝白屑滿頭皮膚癢痒渾身拘急內漸傷殘而歸死路蟲自攝其鬼符口塞人生門方始化去若閉精還氣服丹無以為害身安住世而未免受患也

附傳尸蟲形

此有九種形圖四十三蟲不傳今止圖六蟲之形于後

第一



謂如受病頻覺非常其蟲如嬰兒生毛如蝦蟇令人魂顛倒遇丙丁日食起醉睡心寄四尤

第二



蟲如亂髮長三寸或如蜈蚣令人神色如醉夜夢對死人食此症庚辛日食起醉睡肺腎四尤

第三



蟲如蜂蟻蚊子或如蟹令人多昏日常思睡嘔逆唇口生瘡面青庚寅日食起醉睡厥陰四尤

第四



蟲如亂絲或如猪肝如蛇令人腸中如塊肚大青筋或夢思食戊巳日食起醉睡脾腎四尤

第五



蟲如鼠如瓶狀若人形有手無足有足無頭令人羸急四肢解散面紅潤癸日食起醉睡肝腎四尤

第六



蟲如馬尾有兩頭云是雌雄或長或短如蠅蠅有過全者十里傳人不可以常法治當審而行之